

173
12. sept.

REGLUGERÐ

fyrir vatnsveitu í Keflavík.

1. gr.

Hreppsnefnd Keflavíkurhrepps hefur einkaleyfi til reksturs vatnsveitu og sölu vatns á svæði því, er vatnsveita hreppsins nær yfir og hún getur fullnægt og einnig til hafnarinnar í Keflavík.

Óheimilt er skipum í Keflavíkurhöfn að taka vatn annars staðar í Keflavík en úr æðum vatnsveitu Keflavíkurhrepps, og eingöngu á þeim stöðum, sem vatns-sölumaður eða vatnsveitunefnd ákveða.

2. gr.

Öll framkvæmdastörf, er vatnsveituna varða, annast vatnsveitunefnd í samráði við oddvita og hreppsnefnd.

Vatnsveitunefnd annast um viðhald vatnsveitunnar, endurbætur og umsjón alla. Hreppsnefndinni skal heimilt að ráða sérstakan umsjónarmann vatnsveitunnar, er hafi eftirlit með vatnsveitukerfinu og annist önnur þau störf í þágu vatnsveitunnar, er henta þykir. Vatnsveitunefnd getur löggilt sérstaka vatnsvirkja til að annast viðhald og viðauka við vatnsveituna og er þeim skylt að fara í öllu eftir þeim reglum, er vatnsveitunefnd setur þar um.

3. gr.

Frá vatnsæðum vatnsveitunnar má enginn leggja vatnsæðar nema með leyfi vatnsveitunefndar, og má enginn leggja vatnsæðar frá vatnsveitunni annar en sá eða þeir, sem vatnsveitunefnd felur það starf.

Hver sá, sem vill komast í samband við vatnsveitu Keflavíkur, skal senda vatnsveitunefnd skriflega umsókn þar um. Umsókninni skulu fylgja upplýsingar um til hvers vatnið skuli notað.

Hverjum húseiganda ber að greiða allan kostnað við lagningu vatnsæða úr götulögnum kaupþúsins að húsvegg og annast viðhald þeirra á sinn kostnað.

4. gr.

Skylt er hverjum húseiganda og lóðareiganda að halda vatnsæðum sínum frá götulögnum vel við, og láta tafarlaust gera við þær, ef leki kemur að þeim eða aðrar bilanir. Hann skal sérstaklega gæta þess, að ekki frjósi í æðunum. Enginn má eyða vatni að óþörfu. Enginn má setja aflvélar í samband við vatnsveituna. Enginn má hafa hitaleiðslur eða aðrar leiðslur í sambandi við vatnsveituna nema með samþykki vatnsveitunefndar eða umsjónarmanns og með þeim útbúnaði, sem að þeirra dómi má teljast tryggur.

5. gr.

Vatnsveitunefnd, umsjónarmanni eða löggiltum vatnsvirkjum er heimilt að fara um hús manna, þar sem vatnsæðar liggja, til þess að athuga þær og tæki þau, sem sett eru í samband við þær. Ef þeim þykir útbúnaði í einhverju ábótavant, skal tafarlaust bætt úr því á kostnað húseiganda.

Heimilt er vatnsveitunefnd eða umsjónarmanni að loka vatnsæðum fyrir þeim, sem vanrækja að láta gera við bilanir á pípum eða tækjum, eyða vatni að óþörfu eða greiða ekki tengigjald eða vatnsskatt á réttum gjalddaga, efni, vinnu eða annað, sem vatnsveitan kann að leggja til um stundarsakir.

Fullan vatnsskatt ber einnig að greiða fyrir þann tíma, sem vatnsæðum er lokað.

6. gr.

173

Engum er heimilt, án leyfis vatnsveitunefndar eða umsjónarmanns, að taka vatn úr brunahönum vatnsveitunnar. 12. sept.

7. gr.

Vatnsveitunefnd getur lokað fyrir vatn í öllu kaupútinu eða nokkrum hluta þess til hreinsunar á vatnsgeymum eða til viðgerða á þeim eða vatnsæðum. Slik lokun skal þá tilkynnt fyrir fram, ef nokkur tók eru á. Er nægilegt, að auglýsingar séu settar á auglýsingastaði viðsvegar í kaupútinu.

8. gr.

Af öllum húsum í lögsagnarumdæmi Keflavíkurkaupþúns, sem virt eru til fasteignarskatts, og vatni er veitt í eða úr næst til vatnsæða í götu, vegi eða opnu svæði, er lóð þeirra telst til, skal greiða vatnsskatt og tengigjald. Skatturinn og tengigjaldið skal lagt á eftir hinni lögskipuðu fasteignamatsvirðingu húsansa. Skatt skal einnig greiða af virðingarverði fastra véla, sem í húsinu eru, ef þær eru vátryggðar ásamt því og nota vatn úr vatnsæðum hreppsins.

9. gr.

Af öllum húsum í lögsagnarumdæmi Keflavíkurkaupþúns, sem svo er ástatt um, sem um getur í 8. gr. reglugerðar þessarar, skal greiða vatnsskatt að upphæð 10% — tíu af þúsundi —. Þó skal lágmark skattsins vera kr. 50.00 fyrir hvert hús. Tengigjald greiðir húseigandi um leið og hann sækir um eða fær leyfi til að tengja við vatnsleiðslu hreppsins og nemur tengigjaldið 3% af fasteignamati hússins.

Fyrir vatnshana utanhúss og í peningshúsum og í öðrum hliðstæðum útihúsum skal greiða 10 krónur árlega og fyrir vatnssalerni 5 krónur árlega.

10. gr.

Af húsum þeim, sem nota vatn til annars en venjulegra heimilisþarfa vegna atvinnu, sem í þeim er rekin, sem útheimtir mikið vatn, svo sem verksmiðjur, baðhús, þvottahús, iðnaðarfyrirtæki o. fl. skal greiða í vatnsskatt 18% af fasteignamatsverði.

11. gr.

Fyrir önnur vatnsnot skal greiða sem hér segir:

1. Fyrir vatn til skipa skal greiða 5 krónur fyrir smálestina við afhendingu. Þó skal aldrei greiða minna en 8 krónur fyrir fiskiskip og 15 krónur fyrir önnur skip. Skip, sem fengið hafa vatn, mega ekki að viðlögðum sektum, fara úr höfninni fyrr en vatnið er greitt, nema greiðslufrestur hafi verið veittur.
2. Fyrir vatn í síldarpækil skal greiða 15 auru fyrir hverja tunnu síldar.
3. Fyrir vatn til þvottar á nýjum fiski, frystihúsa og verksmiðjureksturs greiðist 25 auru fyrir hvert skippund fiskjar, miðað við þurrfisk.
4. Fyrir vatn til saltfiskþvottar 20 auru á skippund.
5. Fyrir hvern vatnsmælir greiðist 20 krónur árlega.
6. Fyrir vatn til bílþvottar greiðist kr. 5.00 fyrir smálestina.

12. gr.

Hreppsnefndin getur ákveðið að hækka eða lækka vatnsskatt þennan um allt að 50%.

173

12. sept.

13. gr.

Hver sá, sem sannur verður að sök um að taka vatn án heimildar eða á annan hátt en ráð er gert fyrir, í þeim tilgangi að losna við að greiða lögmæt gjöld fyrir, skal sæta sektum, nema þyngri refsing liggji við samkv. hegningarlögum. Auk þess greiði hann fyrir vatnið eftir mati umsjónarmanns eða vatnsveitunefndar.

14. gr.

Hver, sem skemmir eða saugar vatnsæðar vatnsveitunnar, vatnsgeyma, brunahana eða önnur mannvirki, sem heyra vatnsveitunni til, skal greiða fullar bætur samkv. mati tveggja óvilhallra manna, og sæta sektum fyrir.

15. gr.

Skylt er manni að láta af hendi land sitt, landsafnot og mannvirki í þágu vatnsveitu kauptúnsins, og þola þær kvaðir, óhagræði og takmörkun á afnotarétti, sem vatnsveitan kann að hafa í för með sér, enda komi fullar bætur fyrir samkvæmt mati, ef eigi næst samkomulag.

16. gr.

Gjaldár vatnsveitunnar er almanaksárið og annast hreppsnefndin reikningshald veitunnar og hefur á hendi innheimtu vatnsskatts. Gjaldddagi vatnsskatts er 1. júní ár hvert og greiðist vatnsskatturinn í einu lagi fyrir líðandi ár.

Húseigandi ber ábyrgð á greiðslu vatnsskatts húsa. Atvinnurekandi eða útflytjandi ber ábyrgð gagnvart vatnsveitunni á greiðslu vatnsskatts af sild og fiski.

Vatnsskattinn má taka lögtaki og er hann tryggður með lögveði í eigninni næstu tvö ár eftir gjaldddaga með forgangsveði fyrir hvers konar sammingsveði og aðfararveði.

17. gr.

Brot gegn reglugerð þessari varðar allt að 500 króna sektum, nema þyngri refsing liggji við að lögum. Með mál út af brotum á reglugerð þessari skal farið sem almennt lögreglumál.

Með reglugerð þessari er numin úr gildi reglugerð nr. 55, 21. júní 1928, um notkun vatns og vatnsskatt í kauptúninu í Keflavík og reglugerð nr. 96 29. júlí 1938, um breytingar á þeirri reglugerð.

Reglugerð þessi, sem hreppsnefnd Keflavíkurhrepps hefur samið og samþykkt og gerð er samkv. lögum nr. 15 20. júní 1923, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 12. september 1945.

Emil Jónsson.

Páll Pálmason.